

文獻通考

卷一百一十五

續文獻通考

道者名條下存後注本舊教如明史土司傳某土司傳某土司
和化京亭化之類但剛去西南夷

廣西土司

明太祖洪武二年廣西諸蠻平

明史土司傳

中書省言廣西諸峒雖平宜遷其人入內地可無邊
患帝曰溪洞蠻獠雜處其人不知禮義順之則服逆
之則變不可輕動惟以兵分守要害以鎮服之俾日
漸教化數年後可為良民何必遷耶

柳州土司傳

續文獻通考

四裔考

西南夷

廣西土司

明太祖洪武二年廣西諸蠻平

明史土司傳

中書省言廣西諸峒雖平宜遷其人入內地可無邊患帝曰溪洞蠻獠雜處其人不知禮義順之則服逆之則變不可輕動惟以兵分守要害以鎮服之俾日漸教化數年後可為良民何必遷耶

柳州土司傳

續文獻通考

按上四頁等字

字入正。為籌邊者之一助云。

明史土司傳曰廣西徭獠居多盤萬嶺之中當三江之險六十三山倚為巢穴三十六源踞其腹心其散布於桂林柳州慶遠平樂諸郡者所在蔓衍而田州泗城之屬尤稱强悍種類滋繁莫可枚舉蠻勢之衆與滇為埒今就其尤著者列於篇觀其叛服不常沿革殊致可以覘中國之德威知夷情

按明史廣西土司凡三十有二今以一統志考之類皆府治而府之所領者惟慶遠土司三南寧土州二太平土州十八土縣二土司一思恩土州一土縣一土司九鎮安土州四而已

紀

時廣西二十四郡並已內附從湖廣行中書省議置宣撫司詔崔斌阿里海牙同駐其地十五年立靜江路總管府泰定帝泰定二年靜江義寧縣蠻獠為寇勅守將捕之致和元年靜江徭寇靈川臨桂二縣命廣西招捕之

世祖紀泰地理志泰定帝紀

按明史土司傳云桂林自秦置郡漢始安唐桂州

天寶改建陵宋靜江府元靜江路明初改桂林府

為廣西布政使司治所屬內地不當列於土司然

按上四頁等字

明史土司傳曰廣西徭獞居多盤萬嶺之中當三江之險六十三山倚為巢穴三十六源踞其腹心其散布於桂林柳州慶遠平樂諸郡者所在蔓衍而田州泗城之屬尤稱强悍種類滋繁莫可枚舉蠻勢之衆與滇為埒今就其尤著者列於篇觀其叛服不常沿革殊致可以覘中國之德威知夷情之順逆為籌邊者之一助云

桂林

元世祖至元十四年置廣南西路宣撫司於靜江

元史世祖

紀

時廣西二十四郡並已內附從湖廣行中書省議置宣撫司詔崔斌阿里海牙同駐其地十五年立靜江路總管府泰定帝泰定二年靜江義寧縣蠻獞為寇勅守將捕之致和元年靜江徭寇靈川臨桂二縣命

廣西招捕之

世祖紀泰地理志泰定帝紀

按明史土司傳云桂林自秦置郡漢始安唐桂州天寶改建陵宋靜江府元靜江路明初改桂林府為廣西布政使司治所屬內地不當列於土司然

按上如... 卷三十三

廣西惟桂林與平樂潯州梧州未設土官而無地無徭獞桂林之古田平樂之府江潯州之藤峽梧州之岑溪皆煩大征而後克卒不能草薙而獸獮之設防置戍世世為患是亦不得而畧焉

明太祖洪武初改靜江路為桂林府

明史土司傳

七年永道桂陽諸州蠻竊發官軍討平之二十二年富川縣逃吏首賜糾合苗賊盤大孝為亂往來劫掠廣西都指揮韓觀遣官禽殺大孝等因言靈亭鄉乃徭蠻出入地宜以桂林等衛羸餘軍士置千戶所鎮

之詔從其請二十七年全州灌陽等縣平川諸源徭民聚眾為亂命湖廣廣西二都司發兵討之諸徭竄

遁置灌陽守禦千戶所

初灌陽縣隸湖廣因廣西平

擊縣治詔寶慶衛指揮孫宗討平之灌陽去湖廣遠隸廣西近遂以灌陽隸桂林命領兵築城守之

永樂二年總兵韓觀奏潯桂柳三郡蠻寇黃田等累行劫掠殺擄人畜已調兵追勦斬獲頗多尋蒙遣官齎救撫安其黃田等徭皆已向化悉歸所擄人畜帝

命觀復業者善撫恤之

土司傳

宣宗宣德六年命廣西土官衙門詞訟就所近衛理之

土司傳

從都督山雲奏。謂廣西左右兩江設土官衙門大小四十九處。蠻性無常。讐殺不絕。朝廷每命臣同巡按御史三司官理斷。緣諸處皆瘴鄉。兼有蠱毒。三年之間。遣官往彼。死者凡十七人。事竟不完。今同衆議。奏除土官衙門軍務重事外。不必徑詣其處。報可。土司傳

景帝景泰五年。廣西古丁等洞賊首。劫掠南寧上林武

緣諸處。詔官軍勦捕之。土司傳

初桂林古田獐種甚繁。最强者曰韋。曰閉。曰白。而皆

并於韋。賊首韋朝威據古田縣官窳會城。遣典史入縣撫諭。烹食之。自後弘治間大征。殺副總兵等官。正德初再征。殺通判知縣指揮等官。迨嘉靖初又征之。殺指揮等官。韋銀豹與其從父朝猛攻陷洛容縣。據古田分其地為上下六里。銀豹出掠。挾下六里人行。而上六里不與焉。四十五年提督吳桂芳因其間遣官入上六里撫諭之。諸獐復業者二千人。銀豹勢孤。請降。久之復猖獗。嘗挾其五子。據鳳皇連水二寨。襲昭平。殺知縣。更自永福入桂林。劫布政使庫。殺署事

叅政。縋城而去。官軍追不及。久之。臨桂、永福各縣兵羣起捕賊。始得賊黨扶嫩、土婆、顯等三十餘人於各山寨中。時首惡猶未獲。土司傳

穆宗隆慶三年。官軍禽賊韋朝猛等。古田平。土司傳

時朝議以廣西專設巡撫。推江西按察使殷正茂為僉都御史。以往。正茂至。奏請勦賊。合土漢兵十萬。集衆議。時八寨助逆。衆議先勦。敕書亦有先平八寨。徐圖古田之語。正茂獨不謂然。先給榜諭八寨。八寨聽命。然後分兵七哨。以總兵俞大猷統之。使副總兵門

崇文等。各領一哨。復分土兵為二隊。更番清道。必先清數里而後行。及至其巢。合營攻之。斬七千四百六十餘級。生禽朝猛。梟於軍。俘獲男女千餘口。銀豹窮蹙。擇肖己者。斬首獻捷。聞既而生縛銀豹。并其子扶枝膠送京師。斬之。乃并八寨與龍哈、唏咳為十寨。立長官司。以黃昌等為長官。及土舍聽守禦。調度更升

古田縣為永寧州。土司傳

神宗萬曆六年。嶺表平。土司傳

先是既設永寧州。而永寧獯韋、狼要與其黨黃銀成

有隙相仇殺。常安巡檢欲窮治之。狼要遂與右江荔浦山灣諸獠稱亂。命指揮徐民瞻將兵捕之。民瞻伏兵執狼要。諸獠大訃。總制殷正茂巡撫郭應聘乃檄徵田州向武都康諸土兵。屬叅將王瑞進勦。斬廖金鑑。廖金蓋。韋銀花。韋狼化等。至是總制凌雲翼巡撫吳文華大征河池。哱咳諸獠。斬首四萬八百餘級。嶺表悉平。

土司傳

柳州

元世祖至元十三年置柳州安撫司。

元史地理志

柳州置自唐貞觀中。宋以馬平縣為柳州治。度宗時移柳州治於柳城縣。以馬平為屬。至是置安撫司。十六年改柳州路總管府。領縣三。曰柳城。曰馬平。曰洛容。

明史土司傳。泰元史世祖紀地理志。

仁宗延祐三年。融賓柳州。徭蠻叛。命湖廣行省遣官督兵捕之。

仁宗紀

泰定帝泰定二年。柳州馬平縣徭為寇。湖廣行省督所屬追捕之。

泰定帝紀

明太祖洪武初。移柳州治於馬平。

明史土司傳

自唐改龍城郡。又改柳州。至是仍移於馬平。所屬州
二縣十。內屬千餘年。惟上林縣尚為土官。而賓象融
羅諸徭蠻蟠結為寇。城外五里即賊巢。軍民至無地
可田。後屢加征勦。置土巡檢於各峒隘。稍稱寧焉。土司

傳

成祖永樂七年。柳州蠻作亂。土司

傳

時道村寨蠻韋布黨等。及廣西洞蠻韋父。融州羅城
洞蠻潘父惹。各聚眾為亂。柳州等衛官軍捕斬之。九
年賓州遷江縣。象州武仙縣。古逢等洞蠻獠作亂。詔

發柳州南寧桂林等衛兵討之。十四年融州徭民作
亂。官軍討平之。十九年融縣蠻賊羣聚剽掠。廣西叅
政耿文彬率民兵會桂林衛指揮平之。宣德初蠻寇
覃公旺作亂。據思恩縣大小富龍三十餘峒。以拒官
軍。總兵顧興祖等督兵分道攻之。斬公旺。并其黨千
五十餘人。捷至。帝曰。蠻民亦朕赤子。殺至千數。豈無
脇從非辜者。以後宜開示恩信。撫慰而降之。如賈琮
成交州可也。二年廣西三司奏。柳慶等府賊首韋萬
黃。韋朝傳等聚眾劫殺為害。敕興祖進兵勦平之。土司

司

傳

明史土司傳曰懷縣為柳州屬邑在右江上游旁近靖綏黎平諸徭竊據久隆慶時大征古田懷遠知縣馬希武欲乘間築城召諸徭役之許犒不與諸徭遂合繩坡頭板江諸峒殺官吏反總制殷正茂請於朝遣官統兵進討至板江徭賊皆據險死守正茂知諸徭獨畏永順鉤刀手及狼兵乃檄三道兵數萬人擊太平河裏諸村連拔數寨斬賊首榮才富吳金田等前後捕斬俘獲男婦及牛馬無

筭事聞議設兵防改萬石宜良丹陽為土巡司屯土兵五百人且耕且守

神宗萬歷元年洛容獞蠻作亂

土司傳

時知縣以養歸主簿謝漳行縣事會上元夜單騎巡徼山中獞蠻韋朝義率上油古底諸獞夜半出掠殺漳奪縣印去是夜指揮朱昌允土巡檢韋顯忠共提兵決戰斬首三十一級獲朝義奪還縣印守巡官以聞乃命總兵李錫等勦之破上油古底諸寨斬單金狼等二千八百三十餘級俘二百二十餘人牛馬器

械稱是後殘獍黃朝貴復合融縣徭號萬人聲言欲入富福鎮叅將王世科復引兵擊斬之始洛容在萬山中城小無一雉堞縣官皆寓府城知縣余涵請遷城於白龍巖不果至是謝漳遂及於難土司傳明史土司傳曰有韋王朋者馬平獍也初平馬平時因建營堡使土舍韋志隆提兵屯其地王朋視堡兵如仇常率東歐大產諸蠻要挾營堡兵備周浩使千總往撫遂殺千總劫村落總兵王尚父勦平之

慶遠

東蘭州等附

元成宗大德元年立慶元南丹溪洞等處軍民安撫司

成宗紀

慶遠秦象郡漢交趾日南二郡界後淪於蠻唐始置粵州天寶初改龍水郡屬嶺南道乾符中更宜州宋升慶遠軍節度咸淳初改慶遠府至元十三年置安撫司十六年改慶元路總管府至是中書省言南丹州與慶遠路相去為近所隸戶少請省之遂併南安立安撫司泰定帝泰定元年慶遠徭首潘父絹等率

衆來降。署為簿尉等官。有差。二年。慶遠蠻徭為寇。勅

守將捕之。

明史土司傳卷元史地理志泰定帝紀

明太祖洪武元年。改慶遠路為府。

土司傳

二年。行省臣言慶遠府地接八番溪洞。所轄南丹宜山等處。宋元皆用其土酋安撫使統之。天兵下廣西。安撫使莫天護。首來款附。宜如宋元制。錄用以統其民。則蠻情易服。守兵可減。詔改慶遠府為慶遠南丹軍民安撫司。以天護為同知。三年。行省又言慶遠故府也。今為安撫司。其地皆深山曠野。其民皆安撫莫

天護之族。素庸弱。宗族强者。動肆跋扈。至殺河池縣丞。與諸蠻相煽為亂。乞罷安撫司。仍設府置衛以守其地。報可。二十八年。蠻地悉定。詔置南丹。奉議慶遠三衛。以官軍守之。

土司傳

宣宗宣德五年。總兵官山雲討慶遠蠻寇。平之。

土司傳

九年。雲奏思恩縣蠻賊覃公砦等。累年作亂。今委官率兵勦捕。斬賊首梁公成。潘通天等。仍督官軍搜捕餘黨。帝賜敕慰勞。又奏慶遠鬱林等州縣蠻寇出沒。必宜勦除。而兵力不足。帝命廣東都司調附近衛所

精銳士卒千五百人委都指揮一員赴廣西聽雲調

用。土司傳

明史土司傳曰正統四年莫禎南丹土官奏本府所轄

東蘭等三州土官所治歷年以來地方寧靖宜山等六縣流官所治溪峒諸蠻不時出沒原其所自皆因流官能撫字附近良民而溪峒諸蠻恃險為惡者不能鈐制其出沒每調軍勦捕各縣居民與諸蠻結納者先漏洩軍情致賊潛遁及間招撫詐為向順仍肆劫掠是以兵連禍結無寧歲願授臣

本州土官知府流官總理府事而臣專備蠻賊務禽捕殄絕積年為害者其餘則編伍造冊使聽調用據巖險者拘集平地使無所恃擇有名望者立為頭目加意撫恤督勵生理各村寨皆置社學使漸風化三五十里設一堡使土兵守備凡有寇亂即率眾勦殺如賊不除地方不靖乞究臣誑罔之罪帝即敕總兵柳溥曰以蠻攻蠻古有成說今莫禎所奏意甚可嘉彼果能効力省我邊費朝廷豈惜一官爾其酌之

孝宗弘治九年命於土民中選補長官司

土司傳

時總督鄧廷瓚言廣西徭獞數多土民數少兼各衛軍士十七八九凡有征調全倚土兵乞令東蘭土知州韋祖鉉子一人領土兵數千於古田蘭麻等處撥田耕守候平古田改設長官司以授之廷議以古田密邇省治其間土地多良民世業若以祖鉉子為土官恐數年之後良民田稅皆非我有欲設長官司祇宜於土民中選補廷瓚又言慶遠府天河縣舊十八里後漸為獞賊所據止餘殘民八里請分設一長官

司治之部議增設永安長官司授土人韋萬妙等為正副長官并流官吏目一員是年裁忻城縣流官留土官知縣掌縣事亦從廷瓚奏也十二年韋祖鉉率兵五千助思恩岑濬攻田州殺男女八百餘人驅之溺水者無筭副總兵歐磐詣田州兵乃解

土司傳

明史土司傳曰東蘭州在府城西南四百二十里宋時有韋君朝者居文蘭峒為蠻長傳子宴開崇寧五年內附因置蘭州以宴開知州事俾世其官元改為東蘭州韋氏世襲如故洪武十二年土官

韋富撓遣家人韋錢保詣闕。上元所授印錢保匿富撓名。以已名上。因以錢保知東蘭州。既而錢保徵歛暴急。民不堪命。擁富撓作亂。廣西都司討平之。執錢保正其罪。仍以其地歸韋氏。

又曰。那地州在府城西南二百四十里。宋熙寧初。土人羅世念來降。授世職。崇寧五年。諸蠻納土。遂置地。那二州以羅氏世知地州。大觀中。析地置孚州。元仍為地。那二州。洪武元年。土官羅黃貌歸附。詔并那八地為那地州。予印。授黃貌世襲土知州。

以流官吏目佐之。

又曰。南丹州。宋開寶初。土官莫洪膳內附。元豐三年。置南丹州。管轄諸蠻。歷世承襲。元至正末。莫國麒納土。命為慶遠南丹谿洞安撫司。明洪武初。安撫使莫天護歸附。七年。置州。授莫金知州。世襲。佐以流官吏目。金以叛。誅。廢州。置衛。後因其地多瘴。遷之賓州。既而蠻民作亂。復置土官知州。以金子莫祿為之。

又曰。忻城。宋慶歷間。置縣。隸宜州。元以土官莫保

為八仙屯千戶。洪武初設流官知縣。罷管兵官籍。其屯兵為民。莫氏遂徙居忻城界。宣正後。猺獞狂悻。知縣蘇寬不任職。猺老韋公泰等舉莫保之孫誠敬為土官。寬為請於上官。具奏得世襲知縣。由是邑有二令。權不相統。流官握空印。僦居府城而已。弘治間。總督鄧廷瓚奏革流官。土人韋保為內官。陰主之。始獨任土官。

又曰。永順司。永安司。舊為宜山縣。正統六年。因蠻民弗靖。有司莫能控禦。耆民黃祖記與思恩土官

岑瑛交結。欲割地歸之。思恩因謀於知縣朱斌備。時瑛方雄兩江。大將多右之。斌備亦欲藉以自固。遂為具奏。以地改屬思恩。土民不服。韋萬秀以復地為名。因倡亂。成化二十二年。覃召管等復亂。屢征不靖。弘治元年。委官撫之。眾願取前地。別立長官司。都御史鄧廷瓚為奏。置永順永安二司。各設長官一副長官一。以鄧文茂等四人為之。皆宜山洛口洛東諸里人也。自是宜山東南棄一百八十四村地。宜山西南棄一百二十四村地。議者以忻

城自唐宋內屬已二百餘年。一旦舉而棄之於蠻。為失策云。

平樂

元成宗大德五年升昭州為平樂府。

成宗紀

初唐以平樂縣置樂州。復改昭州。宋因之。至是改為府。地界桂梧西北近楚。清湘九嶷鬱相膠結。東南入梧溪洞林菁多為徭人盤據。先是元貞二年廣西賊陳飛雷通藍青謝發寇昭梧藤容等州。湖廣左丞八都馬辛擊平之。至是升為府。

明史土司傳
元史成宗紀

明太祖洪武二十一年平樂洞徭肆擾。所司請勦之。土司傳

廣西都指揮使言。平樂府富川縣靈亭山破紙山等洞徭二千餘人。占耕內地。嘯聚劫奪。居民被擾。恭城賀縣及湖廣道州永明等縣之民亦被害。比調衛兵收捕。即逃匿巖谷。兵退復肆跳梁。請於秋成時統所部會水道諸軍。列屯賊境。扼其要路。收其所種穀粟。彼無糧食。勢必自窮。乘機禽戮。可絕後患。從之。土司傳

穆宗隆慶六年。府江諸獍平。

土司傳

府江有兩岸三洞諸獞皆屬荔浦。延袤千餘里。中間巢洞盤絡為獞窟穴。江上諸賊倚為黨援。日與府江酋長楊公滿等掠荔浦平樂。及峰門南源。執永安知州。殺指揮千戶土舍。及兵民無算。而遷江之北三來賓之北五。皆右江獞。亦時與東歐西里。及三都五都諸賊相倚附。馬多人勁。俗號為剗馬賊。常陳兵走嶺東。掠三水清遠諸縣。還入南寧平南。武宣來賓。藤貴劫府庫。已而劫來賓所千戶黃元舉。殺土吏黃勝。及其子四人。兵七十餘人。又殺明經諸生王朝經。周

松李茂姜集等。白晝劫殺。道絕行人。是年巡撫郭應聘。總督殷正茂請討。詔督軍進勦。并調東蘭龍英。泗城南丹。歸順諸土兵。而以土吏韋文明等統之。攻古西巖口。笋山古造。及兩峰黃洞等寨。斬獲賊渠餘黨。竄入仙回古帶諸山。搜捕殆盡。乃移檄北三北五。趣其歸降。峒老韋法真同被擄。來賓遷江民蒙演等詣軍前乞降。許之。乃定善後六策以聞。土司傳

神宗萬歷六年。北山蠻復倡亂。官軍討平之。

土司傳

北山蠻譚公柄挾毒弩傷行旅。每出十百為羣。自殺

黃勝後復聚黨以三千人出公鳳山龜鼈塘與河塘
韋宋武傍江結寨時義寧永寧永福諸獍羣起相殺
掠道路不通會布咳寨藍公潺執土吏黃如金奪其
司巡撫吳文華檄守巡道吳善陳俊徵永順白山兵
及狼兵勦之橫山布咳諸巢諸獍請還侵地及所擄
生口願輸賦為良民遂班師

土司傳

明史土司傳曰右江十寨隆慶中總督殷正茂擊
破古田即以檄趣八寨歸降得貸死於是寨老樊
公懸韋公良等踵軍門上謁自言十寨共一百二

十八村環村而居者二千一百二十餘家皆請受
賦右江兵備鄭一龍叅將王世科謂十寨既請為
氓當以十家為率賦米一石村立一甲長寨立一
峒老為徵賦計而以思古周安落紅古卯龍哈立
一州屬向武士官黃九疇羅墨古鉢古憑都北布
咳立一州屬那地土官黃暘皆為土知州已移思
恩守備於周安堡而布政使以為不便總制乃議
立八寨為長官司以兵八千人屬黃暘為長官黃
昌韋富皆給冠帶為土舍亦各引二百守焉久之

十寨復聚黨作亂。據民田產。白晝入都市剽掠。甚至攻城劫庫。戕官民。總制劉堯誨。巡撫張任。急統兵進勦。斬首一萬六千九百有奇。獲器仗三千二百牛馬二百三十九。帝乃升賞諸土吏功。復分八寨為三鎮。各建一城。而以東蘭州韋應鯤。韋顯能。及田州黃馮克。為土巡檢。留兵一千人戍之。於三里增建二堡。自楊渡水為界。墾田屯種。給南丹衛通道慶遠賓州使思恩三里。聯絡不絕。於是右江十寨復安輯輸賦。

三十二年。守臣討桂林平樂徭獞。以捷聞。

土司傳

桂林平樂徭獞。據險肆亂。殺知縣。焚劫無虛月。總督應楨。檄總兵顧寰。督兵進勦。禽斬俘獲男女牛馬器械甚眾。平樂徭人。自數經大征後。刊山通道。展為周行。而又增置樓船。繕修校壘。居民行旅皆帖席。徭獞亦駿駿馴習於文治矣。

土司傳

梧州

元世祖至元十四年。置梧州安撫司。

世祖紀

梧州。漢蒼梧郡。唐為梧州。宋因之。至是置安撫司。十

六年改梧州路總管府十一月以梧州妖民吳法受扇惑藤州德慶府瀧水徭蠻為亂獲其父誅之泰定帝泰定四年梧州蠻為寇湖廣行省督兵捕之

元史地理

志泰世祖紀泰定帝紀

明太祖洪武元年梧州土官降

明史土司傳

寺正南守軍廖永忠等既平廣東引兵至梧州境元

不降以率官吏父老迎降泰將朱亮祖駐兵

梧州於是得貴等州縣以次降附

土司傳

明史土司傳曰明代廣西全省惟蒼梧一道無土

司徭患亦稀萬歷初岑溪有潘積善者僭號平天王與六十三山六山七山諸徭獍據山為寇居民請勦會大兵征羅旁不暇及總制凌雲翼檄以禍福積善願歸降輸賦乃貸其死且以其子入學議者謂七山為蒼藤信地六山為容縣北流中衝北科為六十三山咽喉懷集為賀縣諸村出入之所因立五大營營六百人合得三千人設叅將及屯堡三十治焉而懷集徭賊在正德中已雄據十五寨環二百餘里為州縣患官軍屢討之歸降然盤

臣魯花亦拜任

六年改梧州路總管府十一月以梧州妖民吳法受扇惑藤州德慶府瀧水徭蠻為亂獲其父誅之泰定帝泰定四年梧州蠻為寇湖廣行省督兵捕之

元史地理

志泰世祖紀泰定帝紀

明太祖洪武元年梧州土官降

明史土司傳

時征南將軍廖永忠等既平廣東引兵至梧州境元達魯花赤拜住率官吏父老迎降叅將朱亮祖駐兵藤州於是潯貴等州縣以次降附

土司傳

明史土司傳曰明代廣西全省惟蒼梧一道無土

司徭患亦稀萬歷初岑溪有潘積善者僭號平天王與六十三山六山七山諸徭獍據山為寇居民請勦會大兵征羅旁不暇及總制凌雲翼檄以禍福積善願歸降輸賦乃貸其死且以其子入學議者謂七山為蒼藤信地六山為容縣北流中衝北科為六十三山咽喉懷集為賀縣諸村出入之所因立五大營營六百人合得三千人設叅將及屯堡三十治焉而懷集徭賊在正德中已雄據十五寨環二百餘里為州縣患官軍屢討之歸降然盤

互如故。往往相結。諸峒蠻劫掠殺百戶。及把總村
民畏之。東西走匿。都御史吳善檄總兵戚繼光徵
兵於羅定泗城都康諸土司。分五道命將擊金雞
松栢諸寨。斬渠魁。撫四百餘人。時鬱林徭亦桀驁。
數糾諸生徭破諸村寨。入寇興業縣。兵巡道副使
王原相告於總制。調兵擊破之。諸徭悉平。

潯州

元世祖至元十三年。置潯州安撫司。

元史地理志

潯州江曰潯江。東城門曰潯陽。唐天寶初改郡名。取

焉。乾元初復為潯州。宋省。尋復置。至是置安撫司。十
六年改為總管府。

明史地理志

明國子監生封登奏畧曰。潯州夾江諸山。崿岒叢
業。峽中有大藤如斗。延亘兩崖。勢如徒杠。蠻衆蟻
渡。號大藤峽。最險惡。地亦最高。登藤峽巔數百里。
皆歷歷目前。軍旅之聚散往來。可顧盼盡。諸蠻倚
為奧區。桂平。大宣鄉。崇姜里。為前庭。象州。東鄉。武
宣。北鄉。為後戶。藤縣五屯障其左。貴縣龍山據其
右。若兩臂然。峽北巖峒以百計。仙人關。九層崖。極

險峻。峽以南有牛腸大岫諸村。皆緣江立寨。藤峽
府工之間。為力山力山之僉。亭人長馬。一旬。川。

高上四月等河三子守正文

八年。潯州大藤峽。猺賊竊發。柳州衛官軍

禽捕之。

土司傳

二十年。知府沈信言。府境接連柳象梧藤等州山谿

險峻。猺賊出沒不常。近者廣西布政司叅議楊敬恭
為大亨老鼠羅碌山生猺所殺。官軍討之。賊登巖攀
樹。捷如猿狖。追襲不及。若久駐兵。則瘴癘時發。兵多
疾疫。又難進取。兵退復出為患。臣以為桂平平南二
縣舊附猺民。皆便習弓弩。慣歷險阻。若選其少壯千
餘人。免其差徭。給以軍器衣裝。俾各團村寨。置烽火。
與官兵相為聲援。協同捕逐。可以殲之。帝以蠻夷梗
化。夙昔固然。但當謹其防禦。使不為患。如為寇不已。
則發兵討之。何必團寨。永樂三年。桂平縣蠻民為亂。

險峻。峽以南有牛腸大岵諸村。皆緣江立寨。藤峽
府江之間。為力山。力山之險。倍於藤峽。又南則為
府江。其中多冥巖奧谷。絕壁層崖。十步九折。失足
隕身。中產獠人。藍胡。侯槃。四姓。為渠魁。力山又有
獠人。善傳毒藥。弩矢。中人無不立斃。四姓獠亦憚
之云。明英宗
實錄

按一統志大藤峽在桂平縣西北六十里紅石磯之下弩灘
之上地介武宣象州永安桂平平南藤縣之間四山環繞
繚亘數百里最為險惡峽迤南舊有牛腸大岵諸村獠
寨北通羅潯三洞紫荆羅運等三十六巢岩洞以百計中
有七層樓下有三昧洞峽口有大藤長數丈橫生跨江日
沉水底夜浮水面獠人藉以渡峽以通龍山入寨者

險峻。獠賊出沒不常。近者廣西布政司叅議楊敬恭
為大亨老鼠羅碌山生獠所殺。官軍討之。賊登巖攀
樹。捷如猿狖。追襲不及。若久駐兵。則瘡癘時發。兵多
疾疫。又難進取。兵退復出為患。臣以為桂平平南二
縣舊附獠民。皆便習弓弩。慣歷險阻。若選其少壯千
餘人。免其差徭。給以軍器衣裝。俾各團村寨。置烽火。
與官兵相為聲援。協同捕逐。可以殲之。帝以蠻夷梗
化。夙昔固然。但當謹其防禦。使不為患。如為寇不已。
則發兵討之。何必團寨。永樂三年。桂平縣蠻民為亂。

命姑撫之。勿用兵。宣德七年。總兵官山雲奏斬獲桂平等縣蠻寇覃公專等首級數。帝顧左右曰。蠻寇害我良民。譬之蝨賊害稼。不可不去。然殺之過多。亦所不忍也。土司傳

英宗正統二年。命勦大藤峽等山蠻寇。

土司傳

山雲奏潯州府平南等縣者民言。大藤峽等山徭寇不時出沒。劫掠居民。阻絕行旅。近山荒田。為賊占耕。而左右兩江。人多食少。其狼兵素勇。為賊所憚。若選委頭目屯種近山荒田。斷賊出沒之路。不過數年。賊

徒坐困。地方寧靖。臣已量撥田州等府族目土兵分界耕守。即委土官都指揮黃竑領之。遇賊出沒。協同勦殺。從之。七年。徭賊藍受貳等恃所居大藤峽山險。糾集大信等山山老山丁數百人。遞年殺掠千戶滿智等。誘殺十人。帝命梟之。家口給賜有功之家。十一年。大藤峽蠻賊流劫鄉村。侵犯諸縣。景泰七年。大藤峽賊糾合荔浦等處賊。劫掠縣治。殺擄居民。天順五年。鎮守廣東中官阮隨奏大藤峽徭賊出沒兩廣。為惡累年。邇來愈甚。雖常會兵勦捕。緣地里遼遠。且兩

廣軍馬不相統屬。未易成功。宜大舉擣其巢穴。庶絕民患。乃命都督僉事顏彪。佩征蠻將軍印。調南京江西及直隸九江等衛官軍一萬隸之。六年。彪率軍進勦大藤。攻破七百二十一寨。斬首三千二百七十一級。復所掠男婦五百餘口。帝敕獎之。

土司傳

天順七年。大藤峽賊大掠梧州。

土司傳

時總兵官陳涇駐兵城中。會太監朱祥等議調兵。夜半。賊駕梯上城。涇不覺。遂入府治。劫庫放囚。殺死軍民無算。大掠城中。執副使周璫為質。涇等倉卒無計。

惟擁兵自衛。隨軍器械。并備賞銀物。皆為賊有。布政使宋欽致仕家居。挺身出。以大義諭賊。為所害。黎明。賊聲言官軍若動。則殺周副使。涇等乃遣人與賊講解。晡時縱之出城。賊既出。乃縱璫還。時官軍數千。賊僅七百而已。都指揮邢斌奏至。帝以梧州叢爾小城。總兵鎮巡三司。俱擁重兵駐城中。乃為小賊所蔑視。命兵部即議處行。

土司傳

憲宗成化元年。命僉都御史韓雍等率兵討大藤峽賊。

土司傳

兵部尚書王竑。以峽賊稱亂日久。皆由撫臣以招撫為功。致釀大患。非大創不止。因薦雍有文武才。同征蠻將軍趙輔等。率師討之。時賊三千餘。陷南平。又入藤縣城。十一月。大兵次潯州。謀深入以覆其巢。分兵十五哨。水陸並進。腹背交攻。連日鏖戰。賊不能支。破賊寨。及斬獲溺死者不可勝計。改大藤峽為斷藤峽。刻石紀之。捷聞。降勅獎諭。仍勅輔計議長策。永絕後患。未幾。雍奏殘賊侯鄭昂等。夜入潯州府城。大肆焚掠。旋為官軍擊斬。賊魁餘黨仍奔入巢。既。雍又奏諸

徭之性。憚見官吏。攝以流官。終難靖亂。乃改設土官吏目等。然府江東西兩岸。大小桐江洛口。與斷藤峽。朦朧三黃等處。村巢接壤。路道崎嶇。聚眾劫掠。終不

能除。

土司傳

武宗正德十一年。總督陳金復督軍征府江諸蠻。

土司傳

金調兩廣官軍土兵。分為六哨。水陸並進。斬七千五百六十餘級。金謂諸蠻利魚鹽耳。乃與約。商船入峽者。計船大小。給之魚鹽。蠻就水濱受去。如權稅。然不得為梗。蠻初獲利。聽約。道頗通。金以此法可久。易峽

名永通諸蠻緣此無忌大肆掠奪稍不愜即殺之因循猖獗江路為斷時總督王守仁定田州還兩江父老遮道言峽賊阻害狀守仁上疏請討報可乃率湖南兵至南寧約日會兵寇聞湖兵且至皆逃匿守仁故為散遣諸兵狀寇弛不備乃令官軍突進連破油碛石壁大皮等寨賊奔斷藤峽復追擊破之賊奔渡橫石江溺死俘斬甚衆賊潰散遂移兵仙臺花相白竹古陶羅鳳諸處賊不支奔入永安力山官軍次第破之禽斬俘獲無算八寨平兩江悉定

土司傳

世宗嘉靖十八年官軍討賊藤峽復平

土司傳

自兩江定守仁遂以土官岑猛子邦佐為武靖知州使靖遺孽邦佐不能輯衆且貪得賊賄峽北賊復獗有侯勝海者為首指揮潘翰臣誘殺之勝海弟公丁聚衆譟城下僉事鄔閱等以千人往擊斬一虓寇還漫言賊退請置堡堡成閱令土目黃貴韋香以三百人往戍初貴香利勝海田廬故說翰臣殺海至是遂奪勝海田廬於是諸獠俱恚邦佐又陰黨之公丁遂嘯聚二千餘人乘夜陷堡城殺戍兵貴香走免事聞

命侍郎蔡經督兵討之。公丁時出殺掠。經乃會安遠侯柳珣決計以兵事屬副使翁萬達。萬達廉得百戶許雄通賊狀。詰之。雄懼請自効。萬達佯庇公丁。捕繫許訟公丁者數人。公丁果遣人自列。萬達佯許之。又令雄假稱貸為賄。公丁喜。益信雄。會萬達巡他郡。以事屬叅議田汝成。汝成召雄申飭之。雄給公丁。詣汝成自列。言寇堡事由他徭。汝成亦慰遣之。乃密授意城中被賊害者家出毆公丁。一市皆譁。遊檄并逮公丁入繫獄。遣雄諭其黨曰。寇堡事公丁委罪諸徭。果

否。諸徭遂言事自公丁。聽論坐。不敢黨。乃檻致公丁於軍門。磔之首惡既誅。乘勢進兵。兩軍齊發。左軍三萬五千人。分六道攻紫荆石門。梅嶺。木昂。藤冲。大坑等巢。右軍萬六千人。分四道攻碧灘。羅淶。上中下洞等巢。南北夾擊。賊大窘。遂擁衆奔林峒。而東。官軍邀擊之。中斷。復西奔。諸軍合擊。大破之。追至羅連山。平南縣有小田。羅應古陶古思諸徭亦據險勿靖。萬達等移兵勦之。招降賊黨二百餘人。江南胡姓諸徭歸順者亦千餘人。藤峽平。土司傳穆宗隆慶三年。右江諸徭獠復亂。官軍剿平之。土司傳

府江自正德十二年都御史陳金征討之後且六十年而右江北三北五等巢素未懲創生齒日繁遂肆猖獗頃者大征古田各巢咸畏威斂戢獨府江右江恃險為亂兵部言若復縱之非惟無以固八寨懷遠之招亦恐以啟古田携貳之漸勦之便巡撫郭應聘遂檄總兵官李錫等將兵往討以捷聞

土司傳

南寧

歸德州等附

元泰定帝泰定元年置南寧路

元史地理志

南寧故稱邕管牂牁峙其西北交趾踞其西南三十

六洞錯壤而居延袤幾千里橫山永平尤要害歷唐及宋建牙置帥與桂州等先是至元十六年立邕州路總管府兼左右兩江溪洞鎮撫至是改為路領縣

二曰宣化曰武緣

明史土司傳泰元史地理志

明太祖洪武五年宣化盜劫掠南寧府詔發廣西官軍討之

土司傳

初南寧衛覈民之無籍者為軍又縱所部入山伐木民多擾遂相構為盜旋討平之

土司傳

明史土司傳曰南寧郡地夷曠可宿數萬師成化

時征田州及經畧南安舉弭節茲土後因徭蠻不靖往往仗狼兵急則藉為前驅緩則檄為守禦諸徭乃稍稍驕恣不可盡繩以法議邕事者謂宜開重鎮以復邕州督府之舊云領州四曰新寧曰橫州為流官曰上思州曰下雷州為土官上思州土官子孫畔服不常弘治十八年改流官嘉靖後仍以上官襲下雷州明初印失廢為峒屬鎮安府嘉靖後改屬南寧

又曰歸德州果化州係土官弘治間皆為田州所侵削因改隸於南寧

太平以後
卷二百四十六

元置太平路於麗江以控制左江溪洞州縣

明一統志

太平漢屬交趾號麗江唐為羈縻州隸邕州宋平嶺

南於左右二江溪峒立五寨其一曰太平與古萬遷隆永平橫山四寨各領州縣峒屬邕州建武軍節度元仍為五寨後廢乃置太平路於麗江

明史土司傳

明太祖洪武二年改太平路為府

明史土司傳

先是帝以左江太平土官黃英衍等遣使齎印詣平

時征田州及經畧南安舉弭節茲土後因徭蠻不靖往往仗狼兵急則藉為前驅緩則檄為守禦諸徭乃稍稍驕恣不可盡繩以法議邕事者謂宜開重鎮以復邕州督府之舊云領州四曰新寧曰橫州為流官曰上思州曰下雷州為土官上思州土官子孫畔服不常弘治十八年改流官嘉靖後仍以土官襲下雷州明初印失廢為峒屬鎮安府嘉靖後改屬南寧

又曰歸德州果化州係土官弘治間皆為田州所侵削因改隸於南寧

卷二百四十六
太平

元置太平路於麗江以控制左江溪洞州縣明一統志

太平漢屬交趾號麗江唐為羈縻州隸邕州宋平嶺

南於左右二江溪峒立五寨其一曰太平與古萬遷

隆水平橫山四寨各領州縣峒屬邕州建武軍節度

元仍為五寨後廢乃置太平路於麗江明史土司傳

明太祖洪武二年改太平路為府明史土司傳

先是帝以左江太平土官黃英衍等遣使齎印詣平

章揚璟降。旋遣中書照磨蘭以權齎詔往諭左右兩江溪峒官民曰。睽茲兩江地邊南徼。風俗質朴。自唐宋以來。黃岑二氏代居其間。世亂則保境土。世治則修職貢。良由其審時知幾。故能若此。頃者命將南征。八閩克靖。兩廣平定。爾等不煩師旅。奉印來歸。嚮慕之誠。良足嘉尚。其益懋厥職。以安居民。以權至廣西衛鎮撫彭宗等。以兵護送。將抵兩江。適來賓洞蠻寇掠揚家寨居民。以權謂奉詔遠來。見賊不擊。何以庇民。乃督宗等擊之。賊敗走。遂安輯其地。兩江皆懾服。

馬。至是乃改為太平府。

土司傳

宣宗宣德元年。崇善土知縣趙暹作亂。官軍平之。

土司傳

暹謀廣地界。遂招納亡叛。攻左州。執故土官。奪其印。殺其母。大肆擄掠。占據村洞四十餘所。造火器。建旗幟。僭稱王。署偽官。流劫州縣。帝命總兵官顧興祖會廣西三司勦捕。暹扼寨拒守。進圍之。給出所奪各州印。撫諭脇從官民。使復職業。暹計窮。從間道遁。伏兵邀擊。及其黨皆就禽。

土司傳

按明史土司傳。太平領州縣以十數。大約元屬太

平路明初皆以世職授歸附之土官而設流官佐之太平州舊名瓠陽為西原農峒地唐為波州宋隸太平寨元土官為李以忠鎮遠州舊名古隴宋置隸邕州元土官為趙勝昌茗盈州宋置亦隸邕州元土官為李鐵釘安平州舊名安山亦西原農峒地唐置波州宋析為安平州元土官為李郭佑思同州舊名永寧為西原地唐置邕州宋隸太平寨元土官為黃克嗣養利州元土官為趙日泰萬承州舊名萬陽唐置萬承萬形二州宋省萬形隸

太平寨元土官為許郭安全茗州舊名連岡為西原地宋置隸邕州元土官為李添慶結安州舊名營周亦西原農峒地宋置結安峒隸太平寨元土官為張仕榮龍英州舊名英山宋為峒元改州土官為李世賢結倫州舊名邦兜亦西原農峒地宋置安峒隸太平寨元改州峒長為馮萬傑都結州元土官農姓上下凍州舊名凍江宋置凍州元分上下凍二州尋合為一土官為趙貼從思城州亦西原農峒地唐置州宋分為上下思城二州隸太

平寨元至元間并為一。土官為趙雄傑。永康州宋置縣。隸遷隆寨。元土官楊姓。左州舊名左陽。唐置隸邕州。宋隸古萬寨。元土官為黃勝爵。羅陽縣舊名福利。陀陵縣舊名駱陀。皆宋置。元土官為黃宣黃富。俱於洪武初歸附者也。

思明 思明州等附

元世祖至元二十四年置思明路

明一統志

思明唐置州。隸邕州都督府。宋隸邕州永平寨。至是改為路。一統志

按上如月考符

元史世祖紀改思明等四州並為路。係二十三年十一月事。

明太祖洪武初改思明路為府

明史土司傳

二十五年思明知州門三貴謀殺知府黃廣平。廣平覺而殺之。乃以病死聞於朝。詔逮鞠之。帝謂刑部曰：蠻寇相殺，性習固然。廣平不以實言，宜繩以法。今姑宥之，使其改過。命給道里費遣還。

土司傳

二十九年遣使諭安南還思明舊地。

土司傳

土官黃廣成奏自故元改思明路所轄左江一路州

平寨元至元間并為一土官為趙雄傑永康州宋置縣隸遷隆寨元土官楊姓左州舊名左陽唐置隸邕州宋隸古萬寨元土官為黃勝爵羅陽縣舊名福利陀陵縣舊名駱陀皆宋置元土官為黃宣黃富俱於洪武初歸附者也

思明

思明州等附

元世祖至元二十四年置思明路

明一統志

思明唐置州隸邕州都督府宋隸邕州永平寨至是

改為路

一統志

按元史世祖紀改思明等四州並為路係二十三年十一月事

明太祖洪武初改思明路為府

明史土司傳

二十五年思明知州門三貴謀殺知府黃廣平廣平覺而殺之乃以病死聞於朝詔逮鞠之帝謂刑部曰蠻寇相殺性習固然廣平不以實言宜繩以法今姑宥之使其改過命給道里費遣還

土司傳

二十九年遣使諭安南還思明舊地

土司傳

土官黃廣成奏自故元改思明路所轄左江一路州

縣峒寨。東至上思州。南至銅柱。元兵征交阯。去銅柱
百里。設永平寨。置兵戍守。命交人供其軍餉。元季擾
亂。交人以兵攻破永平寨。遂越銅柱二百餘里。侵奪
思明屬地。邱溫如。整慶遠。淵脫等五縣。逼民附之。以
是五縣歲賦。皆土官代輸。前者本府失理於朝。遂致
交人侵迫。益甚。及告禮部。立站於洞登。洞登實思明
地。而交阯乃稱屬銅柱界。蒙朝廷遣官覈其事。建武
志尚可考。乞敕安南還舊封。庶疆域復正。歲賦不虛。
帝令戶部錄所奏。遣官往諭安南。三十年。安南王陳

日焜。議論往復。久而不決。以譯者言不達意。復為書
曉之。安南終辯論不已。無還地意。廷臣議其抗命。當
誅。帝以蠻人怙頑不悛。終必取禍。姑待之。三年。廣成
又奏。安南侵奪其祿州。西平州。永平寨地。請遣使諭
還從之。土司傳

明史土司傳曰。景泰三年。土知府黃瑯致仕。以子
鈞襲。瑯庶兄都指揮瑛欲殺鈞。代以己子。瑛守備
潯州。托言徵兵思明府。令其子糾眾結營於三十
里外。馳至府。襲殺瑯一家。支解瑯。及鈞。甕葬後圃。

仍歸原寨。明日乃入城詐發哀。遣人報珖捕賊。以掩其迹。方殺瑯時。瑯僕福童得免。走憲司訴其事。且以徵兵檄為證。郡人亦言殺瑯一家者。珖父子也。珖自度禍及。乃謀迎合朝廷意。奏永固國本事。請易儲。奏入。帝命多官會議。以聞。珖為此舉。眾皆驚愕。謂必有受其賂而教之者。或疑侍郎江淵云。事成。珖得擇罪。且進秩。英宗復辟。珖聞自殺。帝命發棺戮其屍。其子震亦為都督韓雍捕誅。土司傳

世宗嘉靖四十一年。以勦平猺獞功。命土官知州男黃

承祖暫襲本職。

土司傳

至萬曆十六年。思明州土官黃拱聖謀奪襲。殺其母兄拱極等五人。而思明知府黃承祖乘亂掠村寨。為之援。按臣請以拱聖及諸凶正法。思明州改屬流府。革承祖冠帶。立功自贖。而追其所掠。更令族人黃恩護拱極妻許氏。撫遺孤。世延待其長官之。三十三年。總督戴耀奏。思明叛目已禽。土官黃應雷縱僕起釁。棄印而逃。斷難復官。黃應宿爭地殺戮。六哨成仇。且係義子。不應襲職。黃應聘係承祖幼子。人心推戴。似

應承襲知府以存黃氏宗祀。但年甫七歲，暫令流官同知署府事。待至十五歲，交印接管。應雷既廢，不宜同城。應降為土舍。其後永襲土舍，給田養贍。制其出入。應宿仍管故業，俱屬思明府節制。從之。土司傳

明史土司傳曰：崇禎十三年，總督張鏡心疏報土官殺職官。思明州黃日章、黃德志等鼓衆叛逆，帝令速禽首惡。以靖地方。論者以黃瑄、神奸、身道、大蓋、世濟其兇。傳及四世，猶併思明州而有之。王綱隳矣。然骨肉相屠。至是四見。蓋天道云。

又曰：思明州東抵思明府，西抵交趾界，南抵西平州，北抵龍英州。土官黃姓，與思明府同族。洪武初，黃君壽歸附，授世襲知州。後為黃瑄所并。萬歷十六年，黃拱聖之亂，改屬太平。上石西州，宋屬承平寨。元屬思明路。明初屬思明府。至萬歷三十八年，改屬太平府。州更土官趙氏、何氏、黃氏。凡三姓皆絕。始改流官。下石西州，宋分石西州置。元屬思明路。洪武二年，土官閉賢歸附，授世襲知州。設流吏目佐之。忠州，宋置。隸邕州。元屬思明路。洪武初，土

官黃威慶率子中謹歸附授威慶江州知州中謹忠州知州皆世襲其鄰地有四峒者界於南寧思明忠江之間思明忠州屢肆侵奪副使翁萬達議改峒名四都隸之南寧地方稍定隆慶三年冬思明府土官黃承祖奏取四都地忠州土官黃賢相爭之遂擅立總管諸名目分兵數千戍守因縱令剽掠為禍甚烈僉事譚惟昂調永康典史李材以計禽賢相斃之於獄議改流官不果遂改隸州於南寧仍以州印予賢相子有瀚俾襲職憑祥宋為

憑祥洞屬永平寨元屬思明路洪武十八年土蠻李昇歸附置憑祥鎮巡檢屬思明府永樂二年置縣成化八年升為州以昇孫廣寧為知州廣寧有十子廣寧死諸子爭立不決凡三四年乃以孫珠襲知州職嘉靖十年珠死弟珍珏爭立珍挈印走况村珏攝州事十四年州目李清趙琪等謀納珍許思明府黃朝以州屬之朝遂以兵納珍於憑祥珏奔罄柳既珍悔屬思明與朝隙朝以外婦所生子時芳詭云廣寧孫以兵千人納之時珍淫縱為

部民所怨。於是廣寧季子寰以尊屬謀廢立。十七年。寰遂殺珍而附於安南。莫登庸藉為嚮導。總督蔡經屬副使翁萬達禽之。論死。於是珏與時芳復爭立。時芳倚思明勢。州民皆右之。萬達黜珏而論時芳死。更立李佛嗣珍為知州。憑祥遂定。

又曰。江州界東抵忠州。西抵龍州。南抵思明。北抵太平府。宋置州。隸古萬寨。元屬思明路。明初。土官歸附。世襲知州。嘉靖四十二年。以平徭獍功。准江州土官子黃恩暫署本職。

又曰。思陵。宋置州。屬永平寨。元屬思明路。洪武初。省入思明府。二十一年。復置州。其界東至忠州。西北至思明。南至交趾。

思恩

元以思恩州屬田州路。

明史土司傳

思恩。漢屬交趾。唐為州。屬邕。乃澄州止戈縣地。宋開寶間。廢澄州。以止戈。賀水。無虞。三縣省入上林。治平間。以上林之止戈。入武緣。隸邕。元屬田州路。歷代羈縻而已。

土司傳

明英宗正統三年進思恩土知州岑瑛職為知府仍掌

州事

土司傳

先是洪武時田州土知府岑堅子永昌為思恩土知州永昌死子瑛襲至是以瑛有謀畧善治兵從征蠻寇屢有功故有是命因與知府岑紹交惡從總兵官等議升思恩為府俾瑛紹各守疆土以杜侵爭

土司傳

憲宗成化十六年思恩土知府岑鏐會討土目黃明之

亂平之

土司傳

鏐瑛之子也田州府土目黃明作亂知府岑溥避入

思恩鏐會鎮守官討平之巡撫朱英請獎鏐功鏐死子濬襲弘治十二年田州土官岑溥為子獠所殺獠亦死次子猛幼頭目黃驥李蠻搆難督府命濬調衆護猛驥厚賂濬并獻其女且約分地與濬濬以兵屬驥送猛至田州不得入猛遂久留濬所及總鎮諸官攝濬乃出猛襲知府濬從索故分地不得怒約泗城東蘭二州攻劫田州殺掠萬計城郭為墟濬兵二萬據舊田州劫龍州印納故知府趙源妻岑氏及總兵官詣田州勘治黃驥懼匿濬所先是濬築石城於丹

良莊屯兵千餘人。截江道以括商利。官命毀之。不聽。會官軍自田州還。乘便毀其城。濬兵來拒。官軍敗之。總鎮及巡按等官請治濬罪。而叅政武清納濬賂。曲護之。十七年。濬掠上林武緣等縣。又攻破田州。猛僅以身免。總鎮以聞。兵部請調三廣兵勦之。十八年。濬死。城中人獻其首。思恩遂平。土司傳

世宗嘉靖七年。思恩設土巡檢九司。土司傳先是兵部議濬既伏誅。不宜再錄。其後改設流官。擇其可者。以雲南知府張鳳升廣西右叅政。掌思恩府

事。正德七年。增設鳳化縣治。時初設流官。諸蠻未服。相繼作亂。嘉靖四年。都御史盛應期遣官軍平之。六年。土目王受與田州盧蘇謀煽亂。勢復熾。新建伯王守仁受命至。一意招撫。而檄受等破八寨賊。因列思恩地為九土巡檢司。管以頭目曰興隆。白那馬。白白山。曰定羅。白舊城。曰下旺。曰安定。白都陽。白古零。授王受白山司巡檢。得比於世官。又以思恩舊治瘴霧昏塞。宜更之。爽塏。於是擇地荒田。建新郡。割武緣止戈二里益之。又議割上林三里。而移鳳化縣治於其

處蓋寓犬牙相錯之意。巡撫林富謂遷郡及割止戈里。應如守仁議。至以三里當設衛。而并鳳化縣裁之。遂令府治益孤。其後九司頭目日恣。所轄蠻民不堪。知府陳璜曲加綏戢。目把劉觀。盧回以復土為名。鼓衆作亂。副使翁萬達因有事安南。計禽盧回殺之。招回從亂者三十餘人。最後東蘭岑瑄詐稱岑濬子起雲。謀復土官為九司頭目。所縛萬歷七年。督撫吳文華謂九司日以驕黠。編氓甚少。緩急難恃。請割南寧武緣縣屬思恩。自是思恩稱巨鎮云。

鎮安

歸順州附

元世祖至元十八年。召溪洞新附官。鎮安州岑從毅入

覲。

元史世祖紀

先是宋於鎮安峒建右江宣撫司。元改鎮安路。時從毅縱兵殺掠。迫死知州李顯祖。故召之入覲。二十九年。從毅降。以老疾詔其子斗榮襲佩虎符為鎮安路軍民總管。泰定帝泰定三年。鎮安路總管岑修廣為弟修仁所攻。來告。又岑世興及鎮安路岑修文合山獠角蠻六萬餘人為寇。命湖廣雲南行省招諭之。

元史

地理志 泰世祖
紀 泰定帝紀

明太祖洪武元年改鎮安路為府

明史土
司傳

鎮安路歸附以舊治僻遠移建廢凍州改為府永樂
中向武知州黃世鐵侵奪鎮安高寨等地朝廷遣兵
討平之以其地屬鎮安成化八年知府岑永壽姪宗
紹糾集土兵攻破府治殺傷嫡母流劫鄉村都指揮
岑瑛禽斬之嘉靖十四年田州盧蘇作亂糾歸順州
土官岑瓛攻毀鎮安府帝命新建伯王守仁治之
土
司

傳

明史土司傳曰時蘓倡亂田州無主鎮安府土官
男岑真寶以兵納岑邦佐於田州歸順州岑瓛蘇
壻也及向武州黃仲金皆與真寶隙乘真寶入田
州蘇遣瓛及仲金襲破鎮安真寶聞亂走還蘇會
目兵追圍之武陵寨瓛等遂發真寶父母墓焚其
骸分兵占據諸洞寨真寶訴之軍門督諭瓛等久
之乃解官軍歸真寶於是瓛與真寶互相訐巡按
御史言土蠻自相讐非有所侵犯從未減
又曰歸順州舊為峒隸鎮安府永樂間鎮安知府

岑志綱分其第二子岑永綱領峒事傳子瑛屢率兵報効弘治九年總督鄧廷瓚言鎮安府之歸順峒舊為州治洪武初裁革今其峒主岑瑛每効勞於官乞設州治授以土官知州凡出兵令備土兵五千仍歲領土兵二千赴梧州聽調詔從之增設流官吏目一員瑛死子璋襲復從璋奏以本州改隸布政使璋多智畧田州岑猛以不法獲譴都御史姚鏞將舉兵討之璋猛婦翁也鏞慮璋黨猛召都指揮沈希儀謀希儀雅知璋女失寵恨猛又知

部下千戶趙臣雅善璋希儀因使趙臣語璋圖璋受命時猛子邦彥守工堯隘璋詐遣兵千人助邦彥言天兵至以姻黨故且與爾同禍今發精兵來幸努力堅守邦彥欣納之璋遣人報希儀曰謹以千人內應矣時田州兵殊死戰諸將莫利當隘者希儀獨引兵當之約戰三合歸順兵大呼曰敗矣田州兵驚潰希儀麾兵乘之斬首千餘級邦彥死焉猛聞敗欲自經而璋先已築別館使人請猛時猛倉皇不知所出遂挈印從璋使走歸順璋詭

為猛草奏促猛出印實封之璋既知猛印所在乃
鳩殺猛斬其首并府印函之間道馳軍門為讒言
所阻竟不論功璋死次子璫襲嘉靖四年提督盛
應期以璫先助猛逆攻泗城許自新出兵討賊自
贖從之十四年田州盧蘇叛糾璫攻鎮安府璫破
鎮安并發岑真實父母墳墓事聞革冠帶許立功
贖璫後從征交趾卒於軍子代襲土司傳

田州恩城州等附

元置田州路軍民總管府

元史地理志

田州古百粵地漢屬交趾郡唐隸邕州宋始置田州
屬邕州橫山寨元改置田州路明史土司傳

明太祖洪武元年田州土官路土司傳

初改路為府省來安府入焉後改州領縣一曰上林
時大兵下廣西右江田州府土官岑伯顏遣使齎印
詣平章楊璟降六年田州溪峒蠻賊竊發伯顏討平
之十七年田州知府伯顏子岑堅泗州知州岑善忠
率其土兵討捕猺寇令選取壯丁各五千人立二衛
以善忠子振堅子永通為千戶統眾守禦且耕且戰

此古人以蠻攻蠻之法從都指揮耿良奏也

土司傳

英宗天順元年田州頭目呂趙作亂命勦捕之

土司傳

呂趙偽稱敵國大將軍張旗幟鳴鉦鼓率眾劫掠南丹州又據向武州命武進伯朱瑛及土官岑瑛勦捕三年勢愈獗殺知府岑鑑占據地方偽稱太平王圖謀岑氏宗族冒襲知府職事四年巡按御史吳禎奏奉敕勦捕反賊呂趙選調官軍土兵攻破功饒婪鳳二關直擣府城呂趙携妻子挾知州岑鐸等宵遁官軍追至雲南富州奪回鐸等及其子若壻斬首四十

九級賊眾悉降趙以數騎走鎮安府追及之斬趙及其子與從賊者獲其妻孥及偽太平王木印無敵將軍銅印并鳳旗盔甲等物復委知府岑鏞仍掌府事撫安人民田州平帝遣使齎敕獎諭禎等并敕鏞謹守法度保全宗族成化元年遣使齎敕諭鏞并賜銀幣以其所部土官狼兵屢調勦有勞且有事於大藤

峽也

土司傳

憲宗成化十六年田州頭目黃明作亂尋被誅

土司傳

知府岑溥走避思恩總督朱英調軍捕明明敗走為

恩城知州岑欽所執并族屬誅之已溥復與欽交惡
欽溥叔也欽攻奪田州逐溥時泗城州土官岑應方恃兵
強復黨欽殺擄人民二萬六千餘與欽分割田州而
據其地至弘治三年總制遣官護溥之子獠入田為
欽所遏居潯州按察使陶魯率官軍次南寧欽拒敵
敗走而應復援之入城陳兵以備巡撫秦紘請合貴
州湖廣及兩廣兵勦之欽勢蹙乞兵於應遂匿應所
五年總鎮官因檄應捕欽欽從應飲殺應父子於坐
收其兵以拒官軍已而應弟岑接佯以兵送欽至田

州界亦殺其父子以報事聞廷議仍命溥還田州

田州

土司傳恭恩
城土司傳

孝宗弘治十八年以流官掌田州府事

土司傳

先是十二年岑溥為子獠所殺獠亦自殺次子猛方
四歲溥母岑氏及頭目黃驥護之赴制府告襲歸至
南寧頭目李蠻來迎驥慮蠻奪已權殺其使蠻率兵
至舊田州驥懼誣蠻將為變乞以兵納乃調思恩岑
濬率兵衛猛濬受驥賂納其女挾猛約分其六甲地
比至田州蠻拒不納驥復以猛奔思恩幽之事覺總

督鄧廷瓚檄副總兵歐磐等搆濬久乃出猛置於會
城得奏命猛襲知府驥濬怒其事之不由已出也要
泗城岑接東蘭韋祖鉉各起兵攻蠻接兵二萬先入
田州殺掠男女驅之溺水死者無算括府庫放兵大
掠城郭為墟濬兵二萬攻舊田州據之殺掠男女五
千三百餘人蠻逃去歐磐及叅政武清等詣田州
府勘治遣兵送猛還府驥懼罪匿濬家有司請治濬
罪初蠻之迎猛也無他念及猛在外蠻守土以待其
歸驥爭權首亂濬接祖鉉黨惡以致茲變清受濬賂

曲右之且誣蠻占據府治阻兵弄權事竟不直於是
廷瓚言思恩岑濬罪惡正在逐捕而田州岑猛亦宜
乘此區畫降府為州毋基異日尾大之患從之至是
廷議以思田既平宜設流官岑猛世濟兇惡致陷府
治宜降授千戶而遴選才望者假以方面職銜守田
州仍賜敕以重其權帝然之於是以平樂知府謝湖
為右叅政掌府事時岑猛已降福建平海衛千戶遷
延不行及湖至復陳兵自衛令祖母岑氏奏乞於廣
西極邊率部立功以便祭養而總督陳金奏猛據舊

巢要求府佐不赴平海衛參政謝湖不即赴任為猛所拒納餽遺而徇其要求宜逮問時猛遣人重賂劉瑾得旨留猛而褫湖并及前撫潘蕃劉大夏猛竟得同知攝府事猛撫輯遺民兵復振稍復侵旁郡自廣嘗言督撫有調發願立功莫復舊職會江西盜起陳金檄猛從征猛所至剽掠然以賊平論功遷指揮同

知土司傳

世宗嘉靖六年田州告捷於京師

土司傳

岑猛論功遷官非其初意頗怨望先是二年率兵攻

泗城拔六寨遂克州治岑接告急於軍門言猛無故興兵攻寨猛言接非岑氏後據其祖業欲得所侵地時方有上思州之役徵兵皆不至四年提督盛應期巡按謝汝儀議大征猛條征調事宜而應期以他事去詔以都御史姚鏞代命懸金購猛然鏞知猛無反心猛方奏辯鏞亦緩師而汝儀與鏞卻乃誣鏞之子洩納猛萬金廉得洩書獻之鏞惶恐乃再疏請征於是部趣鏞尅期進鏞偕總兵官朱麟發兵八萬以都指揮沈希儀張經等統之分道並入猛聞大兵至令

其下毋交兵。裂帛書寃狀。陳軍門乞憐。鎮不聽。督兵益急。沈希儀斬猛長子邦彥於工堯。隧猛懼。謀出奔。而歸順州知州岑璋。猛婦翁也。其女失愛。璋欲藉此報猛。甘言誘猛走歸順。鳩殺之。斬首以獻。六年。鎮以田州平告捷京師。乃請改田州為流官。并陳善後七事。詔俱從之。土司傳

七年。新建伯王守仁撫定田州。土司傳

先是。改設流官。姚鎮留參議汪必東僉事。申惠恭將張經以兵萬人鎮其地。知府王熊兆署府事。會必東

惠皆移疾他駐。惟經熊兆在府。兵勢分防守。稍懈。逆黨盧蘇王受等。乃為偽印。誑言猛在。且借交趾兵二十萬。以圖興復。蠻民信之。聚眾薄府城。經出擊。兵少不敵。欲引還。而城中陰為內應。呼譟四出。官軍腹背受攻。力戰不支。突圍渡江走。爭舟溺死者甚眾。賊沿江置闌索。伏藥弩。夾岸並起。官軍且戰且行。抵向武。失士卒三四百人。賊遂入據府城。燒倉粟以萬計。御史石金上其事。頗委罪前撫盛應期。生事召釁。而給事中鄭自璧。因請仍檄湖廣永順保靖兵。併力勦賊。

帝以四方兵數萬方歸休。豈可復調。命再計機宜。以聞。時盧蘇等雖據府叛。佯聽撫。遣人迎署府事。王熊兆。而其黨王受等糾眾萬餘。攻據思恩城。已而亦投牒上官。願聽招撫。姚鎮以兵未集。姑受之以緩其謀。遣牒者檄東蘭歸順。鎮安泗城向武諸土官各勒兵自効。且責失事守巡叅將等官立功自贖。復疏調湖廣永保土兵。江西汀贛畬兵。俱會於南寧。併力進勦。帝以蠻亂日久。鎮巡官受命大征。未及殄絕。輒奏捷。散兵使餘孽復滋。罪不容逭。姑赦前過。益圖新功。乃

起王守仁總督軍務。同鎮討之。至是悉受撫歸業。

土司

傳

明史土司傳曰。守仁威名素重。及督軍務。調兵數萬人至。諸蠻心懾。守仁至南寧道中。見受等勢盛。度亦未可卒滅。上疏極陳用兵利害。兵部議所見未確。復陳五事。令詳計其宜。於是守仁又疏云。思田禍結兩省。已踰二年。今必欲窮兵盡勦。則有十患。若罷兵行撫。則有十善。臣與按臣及藩臬諸將領等。攄心極論。今日之局。撫之為是。臣抵南寧。遂

盡撤調集防守之兵。數日內解歸者數萬。惟湖兵數千。道阻遠。仍使分留南寧。解甲休養。待間而動。而盧蘇王受願得歸境。投生乞宥一死。臣等諭以朝廷威德。令齋飛牌歸巢。曉諭期以速降。無死。蘇受等皆羅拜踴躍。歡聲雷動。尋率衆至南寧城下。分屯四營。蘇受等囚首自縛。與頭目數百人赴軍門請命。臣等復諭之曰。朝廷既赦爾罪。爾等擁衆負固。騷動一方。若不示罰。何以雪憤。於是下蘇受於軍門。各杖一百。乃解其縛。又諭之曰。今日宥爾

死者。朝廷好生之德。必杖爾者。人臣執法之義。衆皆叩首悅服。願殺賊立功。臣隨至其營。撫定其衆七萬餘人。於二月二十六日。悉命歸業。不折一矢。不傷一人。而全活數萬生靈。即古舞干之化。奚以加焉。疏聞。帝嘉之。

又曰。帝遣行人齋敕獎賚。於是守仁復疏曰。田州外捍交趾。內屏各郡。深山絕谷。猺獠盤據。使盡誅其人。異日雖欲改土為流。誰為編戶。非惟自撤其藩籬。而拓土開疆。以資鄰敵。非計之得也。今岑氏

世効邊功。猛獨註誤觸法。雖未伏誅。聞已病死。臣謂治田州。非岑氏不可。請降田州府為田州。而官其子。以存岑氏之後。查猛有二子。長邦佐。自幼出繼為武靖知州。武靖當徭賊之衝。邦佐才足制馭。宜仍舊職。而今所建州。請以猛幼子邦相授吏目。署州事。俟後遞升為知州。以承岑氏之祀。設土巡檢諸司。即以盧蘇王受等九人為之。以殺其勢。添設田寧府。統以流官知府。以總其權。從之。少其又曰八年。守仁於思田。既議設流官。又議移南丹。

衛於八寨。改思恩府城於荒田。改設鳳化縣治於三里。添設流官縣於思龍。增築五鎮城堡於五屯。及侍郎林富繼之。又言田州界居南寧泗城。交通雲貴交趾。為備非一。不宜改設流官。南丹衛設在賓州。既不足以遙制八寨。遷八寨。又不得以還護賓州。為今日計。獨上林之三里。守仁所議設縣者。遷南丹衛於此。夫設縣則割賓州之地。以益思恩。是顧彼而失此也。遷衛則扼八寨之吭。以還護賓州。是一舉而兩得也。然不宜屬田州。而仍屬南寧。

為便其議與守仁頗有異同。詔從富言。
又曰：初，邦相兄邦彥有子芝，依大母林氏。瓦氏居
官給養田。其後邦相惡蘇，專擅密與頭目盧玉等
謀誅蘇及芝。又侵削二氏原食莊田。二氏遂與蘇
合謀，以芝奔梧州，赴軍門告襲。蘇又為芝疏請，尋
令人刺邦相。邦相覺，殺行刺者。而蘇遂伏兵殺盧
玉等，以兵圍邦相宅。乘夜與瓦氏縊死之事聞。帝
命守仁亟為勘處。蘇之殺邦相也，歸順鎮安泗城。向
武諸土官羣起構難，互相訐奏。當事者謂芝承襲

未定，田州無主，致令鄰封覬覦。當給劄付，令芝管
事。蘇又請早給芝冠帶，以撫田州。而自願裹糧立
功，及追補累年所逋糧賦。部議以土蠻讐殺，當從
末減，皆令立功贖罪。三十二年，芝死。子大壽方四
歲。土人莫葦冒岑姓，及土官岑施相煽構亂。提督
郎檟奏，令思恩守備張啟元暫駐田州鎮之。三十
四年，田州土官婦瓦氏以狼兵應調至蘇州，勦倭
隸總兵俞大猷麾下。以殺賊多，詔賞瓦氏及其孫
男岑大壽大祿銀幣。餘令軍門獎賞。四十二年，以

平廣西徭獍功准岑大祿實受知州職土司傳

光宗泰昌元年田州土官作亂督臣請正其罪從之土司傳

總督許弘綱奏土官岑懋仁肆惡起釁窺占上林上林

在田州東洪武二年土官黃嵩歸附授世襲知縣流官典史佐之納叛人黃得隆等

糾眾破城擅殺土官黃德勳擄其妻女印信乞正其

罪詔令懋仁速獻印執送諸犯聽按臣分別正法違

則進勦有功優叙從之田州世岑氏改流者再而終

不果盧蘇再叛弑主終逸於罰論者以為失刑云土司傳

明史土司傳曰恩城唐置州宋元仍舊明初因之

隸廣西成化十九年知州岑欽與田州土官岑溥

相讐殺詳田州土司傳有司以恩城宜裁革從之州遂廢

又曰上隆宋置州隸橫山寨元屬田州路明因之

洪熙元年土知州岑瓊母陳氏來朝宣德四年瓊

已卒無子土人訴於朝願得陳氏襲職詔以為知

州

又曰都康宋置州隸橫山寨元屬田州路明洪武

間為蠻獠所據三十二年復置隸布政司土官馮

姓其界東南抵龍英西至鎮安北至向武

泗城 利州附

元以泗城州屬田州路軍民總管府 明史土司傳

泗城州宋置隸邕州橫山寨元屬田州路其界東抵

東蘭西抵上林長官司南抵田州北抵永寧明初移

治古礪洞隸廣西 土司傳卷一統志

明太祖洪武五年泗城歸附 土司傳

時以土官岑善忠世襲知州至宣德八年致仕女土官盧氏奏襲職土官岑豹率土兵千五百餘人謀害

已又棄毀故土官岑瑄塑像所為不孝難俾襲職豹

叔利州知州顏亦奏豹興兵謀殺盧氏州民被害都

督山雲奏豹實故土官瑄姪人所信服應襲職盧氏

瑄妻豹伯母初借襲今致仕宜量撥田土以贍終身

仍請敕豹無肆侵擾帝敕雲會三司巡按究豹與盧

氏是非從公判決 土司傳

英宗正統二年都督山雲乞發兵剿泗城 土司傳

泗城土官岑豹攻利州掠其叔顏妻子財物不服撫諭增兵拒守雲乞剿之帝不許五年顏奏豹侵占及

掠擄罪頭目黃祖亦奏豹殺其弟籍其家岑瑄女亦
奏豹占奪田地人民囚其母盧氏帝遣官齎勅諭之
并敕廣西貴州總兵官親詣其地令速還所侵掠如
不服相機禽捕正德六年總兵官柳溥奏委官諭豹
退還原占利州地豹時面從及回占如故今顏欲以
利州利甲等莊易泗城古那等甲開設利州衙門宜
從其請發附近官軍送顏赴彼撫治蠻民倘豹仍拒
逆則率兵剿捕之十年豹復奏顏占據其地帝令速
予議處不可因循貽邊方害成化元年豹聚衆四萬

攻劫上林殺土官岑志威據其境土兵部言豹強獷
如此宜調兵禽捕明正典刑從之未幾豹死弘治三
年豹之子應復據上林及貴州鎮寧等處一十八城
時恩城土官岑欽攻奪田州應與欽黨既復相讐殺
詳田州
土司傳兵部奏欽連年構禍而應黨之復據上林長
官司流毒不少今天厭禍假手相殘實地方之幸所
占隣壤及土官印信數多亦宜勘斷以除禍本并令
應弟接退還侵地及印信乃許承襲泗城地廣兵多
宜選頭目量授職銜分轄以殺其勢詔下總鎮官區

處十年。總督鄧廷瓚奏。接往年隨征都勻府江等處有功。乞畧其祖父罪。令承襲世職。以圖報効。廷臣議劫印侵地。雖係接祖父罪。然再四撫諭。接不肯歸之於官。遽使襲職。則志益驕。非馭土官法。十二年。田州土目黃驥作亂。要接為聲援。殺掠男婦。劫燒倉庫民廬。又劫府學及橫山驛印記。遂據興仁。十四年。貴州賊婦米魯作亂。提督王軾請調接領土兵二萬。營於砦布河。因救接自備兩月餉。尅期調赴。土司傳明史土司傳曰。弘治十八年。泗城土官岑九仙奏。

自始祖岑彭以來。世襲土官。至豹子應。罹欽之禍。子孫滅亡殆盡。其弟接。衆推護印。累著勞勩。乞令襲職。俾轄蠻衆。兵部尚書劉大夏等。議豹乃叛臣餘孽子。應復自取滅亡。今接者。人皆傳稱為梁接。非應親枝。又不知岑九仙是何逋逃。冒為奏擾。大夏先在兩廣。見岑氏譜。岑之始祖木納罕。於元至正年間。與田州知府之祖伯顏。一時授官。今九仙妄援漢岑彭世次。塵瀆聖聽。請治其罪。其岑接應襲與否。前已令鎮巡官勘奏。岑九仙雖蠻人。難以

深究亦當摘發以破其奸從之

穆宗隆慶二年泗城蠻作亂官軍擊走之

土司傳

時黃豹黃豸等據貴州程番府麻嚮大華等司時出擄掠官軍進勦豹等遁去泗城延袤頗廣兵力亦勁與慶遠諸州互相雄長其流惡自豹而應而接且三世領縣一曰程縣長官司二曰安隆曰上林

土司傳

明史土司傳曰利州漢屬交阯號板麗莊宋建利州隸橫山寨元因焉土官亦岑姓洪武初歸附授知州以流官吏目佐之正統元年泗城岑豹據其

地并掠知州岑顏妻子財物七年豹復與顏相仇殺帝敕令罷兵而豹終殺顏及其子得奪州印去遂以流官判州事數十年間屢經諸司勘奏移檄督追歷岑應岑接二世如故嘉靖二年歸併泗城

龍州

元成宗大德中升龍州為萬戶府

元史地理志

龍州古百粵地漢屬交阯宋置龍州隸太平寨至是

升為萬戶府

地理志

明太祖洪武八年改龍州隸廣西布政司

明史土司傳

土官知州趙帖堅言地臨交阯所守關隘二十七處有警須申報太平達總司比報下已涉旬月恐誤事機乞依奉議泗城二州隸廣西便從之

土司傳

孝宗弘治十二年思恩土官岑濬劫龍州

土司傳

先是趙帖堅無子以姪宗壽襲宗壽死子景升襲景升無嗣以叔仁政襲仁政再傳為趙源源死無子岑濬率兵攻田州回劫龍州奪其印納故知府源妻岑氏詔下鎮巡官勦賊而議立為源後者以源庶兄浦有二子相居長當立相弟楷不能無望則謀於岑氏

以僕韋隊子璋詭云遺腹岑氏恃兄子猛方兵雄楷遂奏言璋實源子當立為相所篡事下督府勘未決璋賂鎮守太監傅倫舍人詭稱有詔檄猛調二萬兵納璋入龍州左江大震相挈印奔况村都御史楊旦討璋猛殺之相乃歸

土司傳

明史土司傳曰相二子長燧次寶相枝拇寶亦枝拇相絕愛之曰肖我當立猛乃以寶去髡為奴嘉靖元年相死州人立燧楷弑之州人立其族弟煖時王守仁提督兩廣幕客岑伯高用事楷賂伯高

言煖非趙裔。當立者楷也。遣上思州知州黃熊兆
覈之。熊兆黨伯高言。楷當立。以州印畀楷。楷遂殺
煖。龍州大亂。州目黃安等潛往田州購寶。寶時為
奴揚布家。十三年矣。安等行百金購得之。言之督
府都御史林富。謂楷勢已張。毋持之急。乃令楷攝
職。俟寶長讓之。楷復時時謀殺寶。富諭楷。令以印
還寶。寶謝以五千金。益以腴田三十一村。楷計寶
弱易與。不如邀厚利而徐圖之。遂聽命。楷復求韋
璋之子。應育之。令往來寶所。寶妻黃氏。思明府土

官黃朝女也。貳於寶。而與應通。應乃厚結州目。又
數遣人與向武州締好。乞兵為衛。寶日荒悍。刑狡
男子王良為閹。楷知良恨寶。激使內應。良許之。楷
以千人夜至寶寢門。呼良。良開門納楷兵。執寶寢
所。斬之。以他盜聞。應以兵千人據州。并結朝自援。
都御史蔡經屬副使翁萬達謀之。萬達謂楷狙詐。
未可速圖。韋應異。悞寡慮。可旦夕禽。斷其中堅。然
後可次第獲。督撫善之。萬達行部至太平。使人以
他事召朝。諭之計。論應當死。言楷才勇。正須藉為

龍州當一面耳。時諸言楷事者，故不為理。州人大譁。萬達愈厚楷，楷信之。遂統精兵千人，詣萬達言狀。并以三十一村地獻。萬達召楷及州目鄧瑀等入見。伏壯士劫之曰：汝罪大，宜自為計。誠死，尚可為爾子留一官。楷自分無生理，乃手書諭其黨曰：業已如此，亂無益也。可善輔我子，以存趙。萬達即杖楷斃之。以楷書諭其州人。時楷子匡時生四年矣。立之一州悉定。乃以十三村還龍州，十八村隸崇善縣。於是龍州趙氏仍得襲。

奉議 向武附

元以奉議州屬兩江道。

元史地理志

奉議。宋置州。初屬靜江軍節度使。後屬廣西經略安

撫司。至是屬廣西兩江道宣慰司。

地理志

明太祖洪武七年，以土官黃志威為奉議州知州。

明史土司

傳

志威舊為田州府總管，來歸附。

志威即向武土知州世鐵父

六年

招撫奉議等州百十七處，人民皆欽服。帝嘉其功，命以安州侯州陽縣屬之。至是以為知州。兼守禦直隸

廣西行省。至二十八年。奉議南丹等處蠻人梗化。都督楊文討平龍州。移兵勦奉議賊。帝遣使諭文等。近間奉議兩江溪峒等處。林木陰翳。蛇虺遺毒。草莽中雨過流毒。溪澗飲之令人死。師入其地。行營駐劄。勿飲山溪水。泉恐餘毒傷人。宜鑿井以飲。其慎察之。師至奉議州。蠻寇悉竄入山林。據險自固。文督諸將分兵捕之。復分道攻南丹叛寇。土司傳

明史土司傳曰。初楊文等駐師奉議州之東南。分兵追捕賊黨。且遣人招降其脅從者。賊皆焚廬舍

走山谷。憑險阻。立柵自固。文督將士屢攻破之。賊衆潰散。左副將軍韓觀等遂分兵追討。都康向武。富勞上林諸州縣。破其更吾蓮花大藤峽等寨。斬向武士官黃世鐵。并其黨萬八千三百餘人。招降蠻民復業者六百四十八戶。徙置象州武山縣。蠻寇遂平。時兵部尚書致仕唐鐸叅議軍事。以朝廷嘗命征勦畢。日置衛守之。乃會諸將相度形勢。置奉議等衛。并向武河池懷集武仙賀縣等處。守禦千戶所。設官軍鎮守。詔從其言。正統五年。土官黃

宗允科歛劫殺甚且欲戕其母母避之殺母侍者以洩怒為母所告帝敕總兵官柳溥及三司按驗以聞嘉靖四年田州岑猛叛奉議土官嘗助猛攻泗城州提督盛應期許其自新令出兵討賊以功贖罪後土官知州死皆以土叛官掌州事論者以奉議彈丸地三面交迫田州獨南界鎮安其勢甚盛明初置衛銓官如宋元故事蓋欲中斷田鎮以伐其謀云

又曰向武宋置州隸橫山寨元隸田州路其界東北抵田州西抵鎮安南抵鎮遠洪武二年詔以黃志威之子世鐵為知州許世襲二十一年以向武州叛蠻梗化官軍討平之置守禦千戶所領縣一曰富勞元置洪武間為蠻獠所據建文時復置仍隸向武州永樂初省武林入焉土官亦黃氏世襲廣東瓊州

州

自明洪武時已升為府特以其地多黎岐故明

文土司傳標瓊州二字以目之即如前湖廣四川貴州雲

南廣西俱用府州名之意也

宗允科歛劫殺甚且欲戕其母母避之殺母侍者以洩怒為母所告帝敕總兵官柳溥及三司按驗以間嘉靖四年田州岑猛叛奉議土官嘗助猛攻泗城州提督盛應期許其自新令出兵討賊以功贖罪後土官知州死皆以土叛官掌州事論者以奉議彈丸地三面交迫田州獨南界鎮安其勢甚盛明初置衛銓官如宋元故事蓋欲中斷田鎮以伐其謀云

又曰向武宋置州隸橫山寨元隸田州路其界東

北抵田州西抵鎮安南抵鎮遠洪武二年詔以黃志威之子世鐵為知州許世襲二十一年以向武州叛蠻梗化官軍討平之置守禦千戶所領縣一曰富勞元置洪武間為蠻獠所據建文時復置仍隸向武州永樂初省武林入焉土官亦黃氏世襲
廣東瓊州

按瓊州自明洪武時已升為府特以其地多黎岐故明史土司傳標瓊州二字以目之即如前湖廣四川貴州雲南廣西俱用府州名之意也

宗允科歛劫殺甚且欲戕其母母避之殺母侍者以洩怒為母所告帝敕總兵官柳溥及三司按驗以間嘉靖四年田州岑猛叛奉議土官嘗助猛攻泗城州提督盛應期許其自新令出兵討賊以功贖罪後土官知州死皆以土叛官掌州事論者以奉議彈丸地三面交迫田州獨南界鎮安其勢甚盛明初置衛銓官如宋元故事蓋欲中斷田鎮以伐其謀云

又曰向武宋置州隸橫山寨元隸田州路其界東北抵田州西抵鎮安南抵鎮遠洪武二年詔以黃志威之子世鐵為知州許世襲二十一年以向武州叛蠻梗化官軍討平之置守禦千戶所領縣一

元世祖至元十五年以瓊州路屬海北海南道宣慰司

元史地理志叅
明史土司傳

瓊州居環海中漢武帝平南粵始置珠崖儋耳二郡

歷晉隋唐宋。叛服不一。至是改置瓊州路。文宗天歷二年。又改乾寧軍民安撫司。土司傳

明太祖洪武元年。改乾寧安撫司為瓊州府。土司傳時征南將軍廖永忠平廣東。改為府。以崖州吉陽軍。儋州萬安軍。俱為州。南建州為安定縣。隸焉。六年。儋州宜倫縣民陳昆六等作亂。攻陷州城。調兵勦之。以儋萬二州山深地曠。詔置守禦千戶所。七年。儋州黎人符君勝等。及海南羅屯等洞黎人。澄邁縣賊王官舍亂。俱官軍討平之。十五年。萬崖二州民陳鼎叔等

作亂。陷陵水縣。為海南衛官軍擊敗。追至藤橋。斬鼎叔等三百餘人。餘黨悉平。十七年。儋州宜倫縣黎民唐那虎等亂。海南衛指揮張信發兵討之。那虎及其黨鄭銀等敗遁。信追禽之。送京師。知州魏世吉受賄。縱銀去。帝命遣力士即其州杖世吉。責其捕所縱者。

土司傳

成祖永樂三年。遣官齎勅諭生黎之未附者。土司傳

瓊州所屬七縣八洞。生黎八千五百人。崖州抱有等十八村。一千餘戶。俱已向化。惟羅活諸洞生黎。尚未

歸附。命通判劉銘齋救撫諭之。又從御史汪俊民言以瓊州周圍皆海。中有大小五指黎母等山。皆生熟黎人所居。比歲軍民有逃入黎洞者。甚且引誘生黎侵擾居民。屢使招諭。未見信從。且山水峻惡。風氣亦異。罹其瘴毒。鮮能全活。有宜倫縣熟黎峒首王賢祐。嘗奉命招諭黎民。歸化者多。仍詔賢祐量授以官。俾招諭未服。并戒約諸峒。無納逋逃。其熟黎則令隨產納稅。悉免差徭。其生黎歸化者。免稅三年。峒首則量所招民數多寡。授以職。自是通計前後所撫諸黎。共

千六百七十處。戶三萬有奇。十九年。崖州民以私忿相戰鬪。衛將利漁所欲。發兵勦之。瓊州知州王伯貞執不可。乃遣寧遠縣丞黃童按視。果仇殺。逮治數人。

黎人遂安。

土司傳

宣宗宣德元年。澄邁等縣黎作亂。命官討之。

土司傳

時澄邁縣黎王觀珠。瓊山縣黎王觀政等。聚眾殺土知縣。流劫鄉村。殺掠人畜。命廣東三司勘實致討。二年。指揮王瑀等追捕黎賊。兵至金雞嶺。賊率眾拒敵。敗之。生禽賊首王觀政。及從賊二百六十二人。斬首

二百六十七級。餘衆潰，奔走入山。招撫復業黎八百一十二戶。以捷聞。械送觀政等至京。帝謂尚書蹇義曰：蠻性雖難馴，然至為變，必有激。宜嚴戒撫黎諸官，寬以馭之。若生事激變，國有常刑。正統九年，崖州守禦千戶陳政聞黎賊出沒，領軍搜捕賊，乃圍熟黎村。黎首出見政等，輒殺之。又焚其廬舍，殺其妻孥，擄其財物。各黎激變，政及官軍百人皆為所殺。事聞，坐副千戶洪瑜激變律，斬。景泰三年，敕諭萬州土判官王琥、撫諭該管村峒黎人，各安生業，不得倣效別峒生

黎所為。其官軍亦不得擅入村峒，擾害激變。天順五年，敕兩廣巡撫葉盛，以海南賊五百餘占據城池，可

馳至瓊相機撫捕，勿使滋蔓。

土司傳

孝宗弘治十五年，黎賊符南蛇反，鎮兵討之。

土司傳

時戶部主事馮顥奏：府治在大海南，有五指山峒，黎人雜居，外有三州十縣一衛十一所。永樂間，置土官州縣以統之。黎民安堵如故。成化間，黎人作亂，三度征討，將領貪功，殺戮無辜。迨知府張桓、余濬貪殘苛斂，大失黎心，釀成今日南蛇之禍。臣本土人，頗知時

勢乞仍考原設應襲土官子舍使集土兵可得數萬聽鎮巡官節制有能禽首惡符南蛇者復其祖職以蠻攻蠻不數月可奏績矣詔從之

土司傳

世宗嘉靖十九年崖萬二州黎岐叛

土司傳

總督蔡經以二州黎岐叛亂攻逼城邑請設叅將一員駐劄瓊州分守二十八年崖州賊首那燕等聚眾四千人為亂詔發兩廣官軍九千勦之給事鄭廷鵠條陳三事下部議行之二十九年總兵官陳圭總督歐陽必進等將兵進勦斬賊五千三百八十級俘一

千四十九人奪牛羊器械倍之招撫三百七十六人捷聞帝嘉其功賜圭必進祿米廕襲有差

土司傳

鄭廷鵠奏畧曰瓊州諸黎盤居山峒而州縣反環其外其地彼高而我下其土彼膏腴而我鹹鹵其勢彼聚而我散故自開郡來千六百餘年無歲不遭黎害然無如今日甚矣今日黎患非九千兵可辦必添調狼土官兵兼召募打手集數萬眾一鼓而四面攻之然後可克嘗考勦除黎患其大舉有二元至元辛卯曾空其穴勒石五指山其時雖建

屯田府立定安會同二縣。惜其經畧未盡。故所得旋失。嘉靖庚子。又嘗大渡師徒。攻毀巢岡。無處不至。於是議者謂德霞地勢平行。擬建城立邑。招新民耕守業。已舉行中道而廢。旋為賊資。以至復有今日。謹條三事。一。崖黎三面郡縣。惟東南連郎温脚二峒。岐賊實當萬州陵水之衝。崖賊被攻。必借二峒東江。以分我兵勢。計須先分竒兵攻二峒。而以大兵徑擣崖賊。彼此自救不暇。莫能相顧。則殲滅可期。傳聞賊首那燕已入凡陽。搆集岐賊。此必

多方誤我。且訛言搖惑。以堅諸部助逆之心。宜開示慰安。以解狐疑之黨。一。隋唐郡縣輿圖可考。今多陷入黎中。蕩平後。悉宜恢復。并以德霞千家羅活等膏腴之地。盡還州縣。設立屯田。且耕且守。仍由羅活磨斬開路。以達安定。由德霞沿溪水。以達昌化。道路四達。井邑相望。非徒懾奸銷萌。而王路益開拓矣。一。軍威既振。宜建叅將府於德霞。各州縣許以便宜行事。以鎮安人心。其新附之民。中有異志者。或遷之海北地方屯田。或編入附近衛所。

戎籍如漢徙湟山蠻故事。又擇仁明慈惠之長。久任而安輯之。則瓊人受萬世利矣。疏下兵部議。詔悉允行。土司傳

神宗萬歷十四年。長田峒黎出掠。官軍平之。土司傳

時兵備道既遣兵執戮之。草子坡諸黎召眾來報復。戰於長沙營。斬黎首四百級。於是黃村田尾諸峒黎皆出降。土司傳

明史土司傳曰。瓊州黎人。居五指山中者。為生黎。不與州人交。其外熟黎。雜耕州地。原姓黎。後多姓

王及符。熟黎之產。半為湖廣福建奸民亡命。及南恩藤梧高化之征夫。利其土。占居之。各稱酋首。成化間。副使涂棊設計犁掃。漸就編差。弘治間。符南蛇之亂。連郡震驚。其小醜侵突。無時而息云。

西南夷附錄

按上如月等譯三字
五折平乃王折儀通考

安王折本。明成祖永樂七年。及宣宗宣德六年。皆遣太監鄭和往諭諸蕃。故將受詔諸國入職方者。附錄於後。今仍之如左。

龍牙犀角

戎籍如漢徙潯山蠻故事。又擇仁明慈惠之長久任而安輯之。則瓊人受萬世利矣。疏下兵部議。詔悉允行。土司傳

神宗萬曆十四年。長田峒黎出掠。官軍平之。土司傳

時兵備道既遣兵執戮之。草子坡諸黎召衆來報復。戰於長沙營。斬黎首四百級。於是黃村田尾諸峒黎皆出降。土司傳

明史土司傳曰。瓊州黎人。居五指山中者。為生黎。不與州人交。其外熟黎。雜耕州地。原姓黎。後多姓

王及符。熟黎之產。半為湖廣福建奸民亡命及南恩藤梧高化之征夫。利其土。占居之。各稱酋首。成化間。副使涂棊設計犁掃。漸就編差。弘治間。符南蛇之亂。連郡震驚。其小醜侵突。無時而息云。

西南夷附錄

按王圻本。明成祖永樂七年。及宣宗宣德六年。皆遣太監鄭和往諭諸蕃。故將受詔諸國入職方者。附錄於後。今仍之如左。

龍牙犀角

地內平而外尖。民皆蟻附而居之。氣候常熱。以親戚尊長為重。一日不見。則持酒肴問安。地產沉速降香等。

龍涎嶼

嶼浮海內。波擊雲騰。每至春間。羣龍來集。交戲遺涎。番人乃駕獨木舟。登嶼採歸。設遇風波。則人俱下海。旋即至岸。其涎初若脂膠。黑色。有魚腥氣。久則成大塊。或大魚腹中割出。亦覺腥氣。迨焚之。其香清遠。貨於蘇門。官秤一斤。金錢一百九十二。准

中國銅錢四萬九千文。

龍牙門

在三佛齊之西北。山門相對。若龍角狀。中通船。山塗田瘠。氣候常熱。四五月間。淫雨。以擄掠為豪。遇有番船。則駕小舟迎敵。若得順風。則倖脫。否則被其截劫。泛海者宜慎焉。

吉里地悶

地在連迦羅之東。滿山茂林。皆檀香樹。無別種。商販聚十二所。有酋長。田肥穀茂。朝熱暮寒。商船染

病十死八九。蓋其地多瘴氣也。
假里馬丁。東臨山。列林。樹音。樹無。樹音。
地與交攔山。相望海洋中。氣候常熱。俗甚囂薄。雖
有溪田。米穀少收。惟種芭蕉。採其實以為食。
麻逸凍。
地在交攔山之西南洋海中。山峻地平。氣候稍熱。
田禾倍收。國尚節義。婦人喪夫。則削髮。髻面絕食。
七日。多有並逝者。得甦亦不再嫁。至焚夫日。類自
赴火死。

按王圻本不載土司。故以上諸處。皆載於海洋後。
今附此。以便觀覽。

